

四庫全書

集部

欽定四庫全書

文苑英華卷五百四十三 宋 李昉等 編

衣冠扇食官酒器炭薰瓦門十八道

衣冠扇

禁楚製判一道 並冠兩梁判一道

執蒲葵扇判一道

食官

甲爲食官判一道 庖人進炙判一道

酒

酒正以水入王酒判一道

公酒後時判一道

造五齊三酒非九穀判一道

盜酒判一道

器

告家有九龍鼎判一道

有五熟釜判一道
甕負判一道

村人借罐判一道

鋏樹爲杯椀判一道

磴分利不平判一道

炭藁瓦

二月不供宮人炭判一道

貯藁判一道

造瓦判一道

衣冠扇

禁楚製判

乙禁楚製

漢書云叔孫通降漢王憎之乃變其服短衣楚製

對

衣裳楚楚須辨於彩章雨雪濔濔以虞其燥濕瞻言乙也所習伊何異子臧之不秉載時人之將誠同陳咸之所衣爲大國之榮觀製豈變常事仍師古魯之縫掖君子嘉其歲儒楚之復陶當時不以爲罪庶窮閱實之典爰寘不辜之刑

並冠兩梁判

丙爲大官令丁爲博士並冠兩梁御史奏違法丙云視

省進膳丁云崇儒不伏仰正斷

對

車服以庸弁冕有辨必章彩而象位具文物以昭德丁
丙各從王事端委清時遵儒師以奉職率饗人以敬禮
至於玉膳將進躬視丹墀之側縹緗一作方展危坐青

襟之前雖匪官聯乃同其服進賢遂戴有類於漢臣委
貌未得且謬於殷道以兩梁之製觸鐵柱之威巧詞俱
飾文過斯在請詳典式以議科條

執蒲葵扇判

乙常執蒲葵扇於盛暑人多效之或告妖衆

對

服玩垂則歲時交進韞狐白以禦冬裂紈素而清暑由
是五明開製道在思賢七華擅竒思歸錫寵委方圓以
呈質順行藏以適時登用有期著號無筭乙行均山仰
時聞景慕執殊方竹非承漢帝之私即好蒲葵式狗謝
安之義事符懷舊跡逐移風類折巾於林宗寧俟題於

逸少將以妖衆孰謂欽賢宜從三宥之書無陷五詞之罰

食官

甲爲食官判

甲爲食官準赦合入五品所司不許

對

君有充庖臣寔司味是掌公餽以供王舉甲周均仲呬位涉膳夫漢類高祛秩登食監鼎俎斯設刀匕是供屬

澤降紫書榮頒朱組黃香之秩咸以云增潘岳之階獨
當不進所司陋其烹飪黜役乘軒昔筭餌立誠旣加都
尉壺餐著節亦拜大夫以愚所窺合霑錫命

庖人進災判

乙當庖人進災有髮繞之將科罪訴云當有饑事

對

相彼庖人政司口實式調玉饌以薦金門屠蒯之德莫
如陳政之讐已作執鸞刀而袒割蟬翼必裁揚獸炭之

赫曦鴻毛罔燎以此而科情則可知況乎鼠穢蜜

一作梅

中已申寃於吳日髮生肉內豈獲譴於唐年請推讎人以雪庖者

酒

酒正以水入王酒判

甲爲酒正以水和酒入於王之酒府法司劾其矯濫訴稱時供六飲以爲涼不伏科

對

五齊分名陳乎式法六飲成薦差以時序明其有則誠以無彛率由典常俾克永世是以用光朝覲湛露興詩取備蒸嘗質明行事資以王度入于天府苟或不憊亦何專一惟其酒正職在漿人非作僞以心勞實陳力以就列相時後動跡匪踰閑師古而行事乃從禮四運其易六飲攸供佇以稱涼爰資受和俯銀床之露井始汲香泉汎玉斚之流霞旋開聖酒若三軍之盡醉即見投醪分八罇之立儀斯成薦飲炎光在候正有叶於頒冰

清虛坐井序將捐於溽暑官無留事責乃非宜未覩旌
功奚爲蔽善將同矯濫何至寃誣法司自且不明酒正
誠非忤典

公酒後時判

甲爲公酒後時爲主司所詰辭曰酒材不足

對

酒以成禮國之大經祭祀賓客咸賴其用甲惟賤伍掌
我斯職不率其度旋聞後時水泉必香無傳清苦火齊

不作幾空賢聖主司方詰甲乃有詞酒材不供鼎書難
議明庶折獄君子攸存噬嗑論刑恐貽遇毒

造五齊三酒非九穀判

所司造五齊三酒憲司以非九穀罪云歲無餘

對

和其神人亦在酒醴能善乃事則惟司存故陶器必良
既麴蘖以云備六物式序必忝稷而非馨今者周官列
職徒聞於五齊憲府舉非或虧於九穀尚負罍耻忽貽

神羞既無餘之起訴何有詞之能代

盜酒判

卓媼翁伯並業卓嘗遭盜竊飲傾釀翁教以多養猛犬
卓家酒滯而翁賓客猥售獨收其利媼告伯方便取人
財

對

媼翁接開卮酒當壚不逢漢高之過何能大售頻遇畢
公之竊頗煩小盜教其養犬盖以防人聞夜吠而雖懲

在春醪而頗滯素蟻空汎鄴中之賢者莫傾盧鵲斯喧
高陽之酒徒那至但非抑壓教有緣由獨收當日非宜
方便殆成無狀宜科誣謗以寘刑名

器

告家有九龍鼎判

是賢告耳孫家有九龍鼎歷代寶之恐非人臣所宜蓄
對

天子建德是班宗彝諸侯立家爰受分器業盛鼎鼎功

昭篆刻若使世濟不泯長子承主宗之規胙土云亡
耳孫何克復之有况光涵一作治沒泗氣溢歌汾煥彼龍
文昭其象物何速戾於懷璧盍歸休於國寶是賢所告
謂得其宜

有五熟釜判

封君有五熟釜而銘其口隣人告違曰嘗有所賜

對

書功旂常然後克類分命彛器則惟其賢知三賜之有

恒故百代之令典瞻言彼乙齒我封君開國承家方列
土之貴玄衮赤舄見諸侯之禮嘉孔生之居衛三命益
恭肆鍾氏之仕曹五熟云錫車服必班乎國命釜銘何
恤於人言出話不然覺善隣之滕口有孚勿問驗所錫
之徵人必也正名此焉無咎

甕負判

甲甕負彼乙盪倒甕甲索陪乙不伏

對

惟彼負徒行者固宜矜避至於顛仆盪者非其一

一作故或非

爲甲且有詞媿林宗之妙賞乙爲無狀殊叔寶之情言
謹守旣謝於挈瓶敝漏方憂於射鮒欲令陪價須盡事
由必其廣陌脩衢往來不接故爲搪揆是有常刑儻若
狹路重關風塵暗起誤而擊觸毀亦可矜刑故則罪合
宜加捨誤則陪何足美但官之議事貴在量情言盪非
故犯之名稱負乃小人之事勒陪半價將謂合宜

村人借罐判

村人借隣家罐未出門打破人索陪云未離本處準令
合比附

對

變古易俗因物造器稽六爻之文蓋取諸益司百工之
事無或不良惟彼村人幸叅比屋旣借罐而攸要非抱
甕而爲勞出門未觀於同人繙井先驚於敝漏雖罔離
厥所而譴自己招異管寧之深仁愧林宗之妙賞且官
之議事貴在量情忝曰村隣得來得往詳其故誤有重

有輕向若狹肆通闌修街隘路咽綺城之歌舞暗紫陌
之煙塵物雖見盡夫何足咎况屬荆扉寂寞蓬徑蕭疎
破由彼已孰當毀櫝事匪因人爰煩投杼勒酬半價良
謂合宜盡物容據減條損器何援比例輒云不伏深覺
詞游

鋟樹爲杯椀判

得甲鋟榆樹爲杯椀出賣鄉官責其游手惰業

對

士農工商孟堅陳十志之本水火金木箕子載五行之數悠悠羣動各有定業明明財利爲謀不同惟甲冑形運乎天巧旣勤事於賈豎且効功於匠伯加以是揆是度掎漢社之星榆乃剗乃鏟揮匠人之風斲杯非承露未立雲表椀殊鍊藥空候淮南狗錐刀之小利捐耕桑之大業若斬伐愆時未符周禮如彫僞不作自陶魯政夫除害興利禁末勸農罔或奢巧寔防器玩器不涉於無用賣有濟於時須雖慙敦本之俗難加惰業之罪幸

殊游手宜寬祝面

磴分利不平判

吳丙王丁共有磴納課分利丙云有賸丁云擲日知分
所得無賸

對

吳丙王丁均期叶契鷄鳴求利不憚孟軻之譏馬磨自
資更殊許靖之操市道難固財交易竭競斯升斛顏寧
厚於指囷狗彼錐刀魄無慙於碎璧或陳其有賸許以

無厭或掠以浮雲稱斯擲日日有修短闕諸至期利有
盈虛定乎宜分理應各得何假相尤然質劑既未研詳
刑名豈能懸斷更尋枝派方悉根源

炭藁瓦

二月不供宮人炭判

鈎盾二月不供宮人炭請處分

對

弄田之所鈎盾是同牽絲効官掌炭成務形雖比漆燒

則如珠入侍女之熏爐香焚百和處仙人之丹竈巧液
千金變寒作暄轉冷成熟投其鑄冶可以方其造化驗
其燥濕可以測其陰陽充百郡之時須爲萬邦之日用
二月不供三章有犯違令抵罪依條請科

貯藁判

所司貯藁以三千圍爲積苦覆無比

防切

籬合科何罪

對

秩馬所資唯草是用徵科百里輸納六閑黃白無差短

長合度貯積之法令條有文數越三千理則多僻從

疑作

繼勤苦履終闕芘籬施功不同處事彌爽犯既非謬辜

不免科

造瓦判

甲僱乙造瓦口五分畢計其全乙不伏

對

工商異等埏埴殊制故有質茲土化均質日中乙也狗

業求傭偶鑿坯而取給甲則溺情豐屋冀如雪

一作雲

以

自潤雖載弄牀瓦故無取於舉全約無陶穴亦何驚於
敝漏且全毀興訟僱買異儀僱則不可計全買則合徵
成笑乙之不伏誠則有詞甲之無良訟宜從記

文苑英華卷五百四十三

欽定四庫全書

文苑英華卷五百四十四 宋 李昉等 編

國城官宅墻井門三十二道

國城

建國判五道

臨宮判四道

城邑判四道

城者謳甲判一道

登城判一道

升高判八道

官宅

造室判二道

宅判一道

牆井

築牆判二道

鑿井獲鏡判三道

義井判一道

國城

建國判

後篇作
侵官判

典同置臬畫叅諸日中之景夜考之極星或告其越司
視事詞云知無不爲

對

楊仲昌

考工建官匠人營國既匡政本將懋彝倫惟彼京師式
模大壯三門煙竦九軌繩列殷稱重屋周曰明堂必有
以懸之工理資置臬之審晝規日景夜考星躔陽不遯
來月焉藏往屬吾君稽古庶政文明將大朴爲城池用
無私爲宮闕凡諸奢靡咸悉棄捐瞻言主司雖設何有
况典同之務隸在宗伯雖舉公道全非守官輒相奪倫
焉以逃責望貽出位之誠以厚正名之典

同前

褚亮

定之方中作爲宮室紫微夜視考太乙之帝居黃道晝
叅取羲和之亭午於是審曲面勢置臬懸衡各有典司
無乃一作無詢於梓匠越其樽俎翻見作於同律晉雖不
競楚勿與知侵官有刑罪將安捨不司宗伯之事妄爲
荀息之詞人亦有言自貽伊咎

同前

乾道著明聖人作則仰必觀象測陰陽之運行俯而定

居考星日之中正法象無昧道誠傳於古今典司不僣
事宜禁夫侵越典同業尚多藝知無不爲成周舊臺嘗
見立圭之法作楚前室能探置臬之規候太陽於齊天
占列象於清夜六龍齊御不差亭午之陰衆星環拱自
識方中之節雖行之有則無慙述者之明而視或越司
終代匠人之斷

同前

晝夜分象爲章於天欽咨日官懋緝星紀探六厯之無

爽齊七政而不忒周官命職各有司存相彼典同實非
其任安得置斯水臬均彼土圭苟違盈縮之理徒知分
至之節雖占星揆日坐識乾坤而越局侵官終罹罪罟
既紊銅渾之典請挂玉條之律

此下二篇元編在五百四十九卷雜判門今移

入於此

同前

百揆分曹式著尊卑之位九流開務非無守主之規若
官得其人網有條而不紊任乖其器玉毀櫝而何憊惟

彼典同頗輕其職不專律呂之應傍占星緯之中在定
雖合於楚宮理職式乖於周秩越司之過誠謂當仁然
以君子器周無往不利調鍾則聞於合響置臬何隔於
兼通即欲論辜恐乖輕典請重考其本藝然後定以明
科愚管所窺將此爲允

臨宮判

丙登高臨宮法司斷徒一年丙訴云令所

對

呂焯

至若惑衆創規邦憲貽範能賦雖聞

一作云

於曩列不呼

取誠於前經丙登臨此時宮墉近矚方比迹於桓景豈
均賞於屈平窺見可徵慙尤自速法司務惟疾惡志在
繩非未窮令所之由遽加徒罪之罰待詳疑璧方可揮
鉛

同前

范令芬

總目作
冬芬

玄圃遽居青宮秘籙事隔中外理絕登臨丙之無良自
貽伊咎升高異梁竦之憤抵法挂臯陶之刑且夫子之

牆猶其難見諸君之禁焉可輒臨然法難動搖罪宜欽恤
一作典獄雖結於徒坐往訴須從於減科

同前

宮室九重深居而理山河四顧設險爲雄或有登臨當
其近密始疑楚宮極目春江終類子牟遊心魏闕事必
無故情其難捨抵玉律以懲違論頽衣而何失既有詞
於令所須閱實於司存懸議科條恐貽深刻

同前

帝宅天居深宮邃宇閭闔爰啓甘泉是壯必資恭敬無
或登臨丙昧科條輒茲違犯且登臨之理抑有前聞桓
景所以消災山濤猶其望遠若非此道終合加刑法司
處以徒年景訴猶爲文過謂從令所冀減嚴科且前星
發輝少陽開景銀榜之門斯闢玉裕之德稱尊焉可輕
然聿來憑眺法司科結正合公途

城邑判

甲將仞邑乙不從命比周狗以屬之損已

對

蔣勵已

大道旣隱天下爲家巢燧已遠於三皇城邑已安於萬
姓將以寇盜無擾隣伍有孚以崇墉濬洫用備於王制
屋粟里布亦率於周典猗嗟彼甲務成厥功足使孔丘
門人論於千乘之賦鄭國說者難於九仞之高豈謂立
身致誠人未從命不聞忠信之迹翻起比周之言忘筌
深謝於得魚致損俄聞於屬狗且辨璧以聽理貴審詳
東矢而論道取嚴科且損者恐其無過命者寧載有詞

待窮三刺之典然措片言之折

同前

祝雲將

侯伯之城中五之一苟不以度事或有虞甲恪居官曹
慎固封守魯大夫之爲政必葺其垣晉獻子之城周先
仞其邑豈謂澤門之哲見沮於邑中之子於垣載闕於
詩頌眷言於乙深昧從時且人之比周旣貽官謗而墻
之隙壞誰執其僣今遐邇又寧邊鄙不聳苟不從命亦
何惜焉遽嗾夫焚棄人何甚况屬於古今出惟行欲加

典刑可以理遣

同前

鹿慶期

自上棟下宇疆里井田度土居人量地制邑故墉垣是
葺版築聿脩華元巡功見謳於城者子囊臨逝貢策於
荆王甲何人斯職茲仞邑乙不從命同之鑿坏趨舍路
殊便爲鎖一作陳末雖叔孫受繫每效勤勞而子騫發言
何必改作遽營危堞未崇射隼之規不憚嚴科輒嗾夫
焚之噬棄人用犬何其不臧旣紊風猷請書霜簡

同前

張思鼎

大道既隱天下爲家度土以居人量地而制邑將興版
築必俟命

金疑作

槌劃以斷岸長雲負以重城四郭孟軻

五畝匪宅是營孔丘數仞爰茲仰止生異里仁之美行
多嫉惡之辭苟此不從胡施而可棄人用犬雖猛何爲
且闔門塞竇在明時而難許比周阿黨豈君子之攸宜
損乙既謝於當金罪甲庶期於無訟然恐造有妨害兆
有吉凶或利晉而闕秦將抑彼而就此各從所便不亦

宜乎

城者謳甲判

甲爲植巡功城者謳之甲乃鞭之其城者訴不伏

對

千乘制國百堵興詩義非取於復隍道實遵於高壘繕
葺惟隙人其以寧廣袤無稽禍由莫大是以京制非經
禍延鄭伯梁興不處卒有秦兵在悅使以忘勞豈嚴刑
而毒衆甲爲其植是訓於從庀以功程務其操築傳巖

之野疑將見於代刑邑中之黔即類聞於有沮興其百
版就以九成方取託於啼烏佇推功於射隼匪隕孀妻
之慟寧頽薛縣之琴晉獻成周初開仞邑華元植宋遂
見爲謳省已良虧尤人遽覩棄甲而復事本叶於前聞
執扑以行譴何貽於是日咸其輔頰雖成滕口之嫌旣
謹垣墉請逭噬膚之罰

登城判

甲登城而指乙告其惑衆甲云實無妖言

對

王冷然

先王訓俗禁以窺臨君子執身慎乎登降惟甲才非入室教異垂堂旣處隘而乘閑爰興高而眺遠平看雉堞廻數人家遍識山川周知國邑殊鄭君之伺敵忽上層埤同漢后之思鄉且瞻長路行未聞於能賦告將惑於妖言不指不呼孰云知禮從輕從重旋欲議刑向若甲是卑流恭隨長者承所視而待問事緣情而可矜今者攀陟不宜驚疑於衆獲疑作護非有失雖云李徑無言故

犯難容亦可棘司懲訓嚴城作限緩獄何逃罪自招於
指揮理宜退於心伏

升高判

解式與長年行因升高不從所視遂杖之式訴州斷闕
論省科失入

對

王延光

視瞻無回在於往記周旋有禮著之前聞惟彼長年與
茲解式行將望遠豈伊升高之能賦悠然目極寧復登

山而送歸且平原坦夷迴首超忽苟不從其所視欲何
詳於切問式之立身誠未謂之學矣長者加杖盖亦尤
而效之則不愠不知君子之通論如怒如社詩人之美
述旣牆面而斯責於情恕而安施薄訴之由其文有以
雖闕論勅法頗欽於州見而失入在宥請遵乎省科

同前

田南畝

罰懲其淫禮主於敬若長幼而失節在典刑而無捨蠢
爾解式從於長年三人而行尚聞擇善十年以長非可

肩隨況侍上丘陵不能向其所視如問及雲物其將對
於何詞無儀所謂於伊人有體自均於相鼠杖其傲禮
固未乖宜昔者蜡畢出遊言偃問其何歎幼而不遜尼
父叩其夷俟合志爲友前賢猶且不啗年長以倍今日
云何致罰必若齒於鄉黨則應金作贖刑如或列於父
兄豈可求之凡闕失入宜從省見定刑更待州申欽哉
惟刑捨此將濫

同前

王惟孝

先王設教各有等威君子慎儀必脩德禮苟昧斯道時
謂不欽解式妄人不若厥訓徒守尊卑之位終乖敬讓
之節不從所視寔曰僇儀或人杖之是亦奚爽州曹丕
弊因噬腊之遇毒省司失入覺從者之詞游罪自己招
云誰之咎請當從禮之罰勿聽無稽之訴

同前

張

邨

總目
作邨

行已以恭執事在敬同人攸往於野則亨苟踐禮而不
踰必遊目而從睹瞻言解式惟是長年道契三人方擬

同心之利名參百行亦專好德之寵行邁云靡丘陵是
升覽雲物於五方壯山河於千里不從吾視奚率爾虞
事類武侯且未屈於吳起義同文子仍不徵於叔向禮
經有秦夏楚收威寔長者之訓恭何薄言之速訟淫刑
以逞外臺於是觸藩寬政荐敷仙省準一作宜其射隼

同前

劉孺之

設教以防禮不逆矣遇長不敬患至擬焉苟訓典之不
脩乃扑撻而何害相彼一作時解式誠謂狡童五人群居

且聞異席十年以長則必肩隨不恭辟咄之儀致闕升
高之禮惑其所視吾何以觀之哉杖以作威固當斯害
也已小人文過肆以薄言君子詰姦無從長傲歸諸司
敗足示陵尊成以調人可徵犯齒且州司以刑頗均短
綆會府是糾且異長鞭伊小大之以情庶寬猛以相濟

同前

王靈岳

長者與行登高向視古之用典決事原心越則謂昏逞
而生害是夫鞠稚從陟丘陵已實處卑執奚有黷拾足

於後固合益恭肆目以遊無乃長傲遠有所望問而莫知使曳練吳門宣尼尚惑徹蕃晉壁楚子徒觀苟由禮以防非則記過而及杖况尊能制幼刑期就均所罰則可豈宜有訴嗟州議之非當招省司之是詰

同前

程諫

恭敬何常少長有禮自以引以翼無失於等威左之右之動從於瞻視苟昧斯者則何以觀解式陪彼長年身居弱歲比景未聞於有德居卑且見於無儀於是舍車

而徒升高自下異梁鴻之適越不覩興謚殊栢景之襍
災豈能成俗旣而碧空一色翠微萬里迷周流於遠眺
闕咫尺以承顏梢雲之杖遂行白雲一作雪之途且默然
鞭以爲罰恐傷剛暴且人而無禮寧罷防閑與其居尊
而肆威曷若導愚而誘暗况擊蒙垂象於周易叩脛設
教於孔門徒事薄言寧容文過剖符之郡涉深故於闕
論握蘭之司雅議懲於失入

同前

陳齊卿

介福維祺授康緝御未濟溝壑是登丘陵將察視之致
虧唯對問之所詔非我族類其心則乖且幼長之行陟
降有序儻云能賦遂爾升高或匪事親爰加大杖豈桑
榆之已逼將夏楚而收威設取愧於離婁終見傷於甯
越外臺置辟寔諧所訴華省繩愆請脩其本解式之競
長年其悲

官宅

造室判

丁爲室斲其椽而磬之法司科罪訴云新加三命

對

袁令問

九儀辨等八柄正名設貴賤之地立財用之宅如或居處無節制度不經動而失中難以爲正彼丁爲室將完是居有覺其楹於槩而埽上棟下宇燥濕不交輪焉與焉烏鼠攸去旣成隩阼如位崇而德尊不事廉隅知物誘而心汰無法自守用奢宣驕安且燠兮其功可取斲而磬也於禮則那且加命則大夫之命此室則國君之

室何取彼義自用於身請麗本刑無撓常度

同前

王雄風

易稱上棟下宇禮載度堂考室眷言崇飾誠有等威動
而或踰過則誰任丁沐我皇化策名清時旣登大夫之
職方用少牢之禮爰修其廟載飾其椽斲之則通礲之
未可事且非據法實難容尋考父之銘雖同三命徵穀
梁之傳則僭諸侯憲局所科罪斯得中

宅判

洛陽縣人晁諺先蒙本縣給同鄉人任蘭死絕宅一區
又被蘭女夫郭恭妻理訴此宅縣斷還諺州斷還女諺
不伏

對

任蘭幸逢昌運得齒齊
忙欽奉太和庥
延遐壽豈謂夢
瓊殘喘奄就飄零
連石餘輝遽聞道盡
但以庭虛謝玉
掌絕常珠同伯道之無兒
類伯喈之輟嗣
孟軻五畝竟
闕承基揚雄一區
俄從別授縣司
以女旣出嫁判給晁

諺之家州司以宅是見財斷入郭恭之婦宅及資物女
即近親令式有文章程宜據

牆井

築牆判

洛陽縣甲界內坊牆因雨頽倒比令修築坊人訴稱皆
合當面自築不伏率坊內衆人共修

對

赤縣分曹黃圖控邑周公曲阜池

一作地

是浮龜之浦元

禮高門人積登龍之望擊鍾鳴鼓歌吹由其沸天向述
當衢屢閉於焉撲地屬長空驟雨看石燕之分飛廣術
顏墉見銅駝之咫尺仲尼數仞無復及肩相如上林唯
餘填塹徒掃茨之有刺終射隼之無由奚疑作爰興洛汭
之垣載俟傳巖之築雖人唯比屋而地實離疆幸無踰
於舊途理宜歸於本界若本衆戶始可興功自抬頭會
之嫌仍必面牆之請與奪之理斯之謂歟

同前

虞 甫

帝王是宅河洛之陽雲闕巖巖列綺城之萬雉環途隱
隱分體國之九經重閉交開樓臺相拒屬陰風迴扇累
日沈輝灑洪雨於四溟布族雲於千里煙凝萬井萍汎
中衢半露宮牆坐見室家之好全顏環堵行瞻湫隘之
居且揆務黃圖衆榮赤縣理雖謹察故典遵牧黎人必
使溝洫廣開垣墻甚厚因茲法令正叶隨時坊人以東
里北郭則邑居各異黔婁猗頓乃家產不侔奚事薄言
佇遵恒式旣資衆力須順人心垣高不可及肩板築何

妨當面

鑿井獲鏡判

鑿井獲古鏡不送官司隣告違法

對

玉甃浮輝珠星湛耀漢陰舊址方除飾智之心譙國開
源忽遇神仙之兆乙廼勞是務穿鑿爲功暫因梧樹
之傍遂覽菱花之照光芒射目驟裏一作窈窕明心見飛鵲
之時來覩迴鸞之屢舞雖則私獲合送官司愛而欲留

法將焉許自招其責誰復哀矜隣人告之雅符公正

同前

呂務博

乙旣鑿井將開射鮒之泉欲施繡瓶已獲盤龍之鏡清
源初鑿疑菱花而始成玉甃將升似明月而飛出寶匣
藏而晦宇美人拂而生光王濛覽影已堪自愛秦嘉贈
心歎惜何極眷言此得誠所珍竒爰令送官不恡於下
誠亦允當固無所疑即以隣者之言寘乙之辜庸人陷
法只堪矜憫請寬於乙將謂恤刑

同前

朱萃

乙也鑿井遘墳而獲古鏡抱春銅之色涵明月之輝罷
照秦樓未懸溫室玉女窺而不倦仙人磨而益明異龐
儉之得銅殊宣尼之對缶既曰奇觀理合歸官雖隱則
有愆刑故無捨然物非古迹事或可矜請更詳審方可
裁斷

義井判

得人於京陌施桔槔汲水作義漿尹責擅穿街地訴云

濟途行

對

香街隱隱垂柳垂楊行道遲遲載饑載渴旣縞井而辨
義亦鑿木而設機故窮谷射鮒坐忘抱甕之勞挈水濟
人行符種玉之兆魯宣遊往未捨蟻丘之漿漢尹載馳
旋觀章臺之陌責其專擅雖掘地而及泉濟以途行庶
恢天而漏網苟利則可胡其未從

文苑英華卷五百四十四

欽定四庫全書

文苑英華卷五百四十五 宋 李昉等 編

關門道路門三十一道

關門

棄符繻判一道 作刻出關判二道

越關判三道 謁者私度關判一道

恩賜綾錦出關判一道

宮門誤不下鍵判三道

向街開門判一道
新作南門判一道

道路

廬樹判二道
道路判一道

徑踰判一道
科木作道判一道

穿牆出水判一道
開溝向街判一道

染甕灑塵判一道
街內燒灰判一道

造橋判一道
縣令不修橋判三道

私僱船渡人判四道
不修橋判一道

關門

棄符繻判

岐州叅軍郭丹充計吏在路遺棄符繻及至大震關贈
令五千文而府吏胡有捉丹越度告令取受隴州依狀
結罪二人不伏

對

漢陽故國隴岑舊境若

一作卷

彼郭丹効官茲邑同元淑

之計吏比孫楚之叅卿而重關設險是稱襟帶因辨馬

而方來候鳴鷄而載入符繻且棄雖有異於終軍道德
斯留亦何慚於柱史從茲經度未失事宜若論尹喜之
辜誰執伯陽之罪胡有妄告欲一作合抵刑書在於二人
何所推鞠

作刻出關判

寧成抵罪得脫乃作刻出關

漢書作解脫
詐刻傳出關

未知科何罪

對

寧成刻薄爲吏威酷成章吞舟之魚翻聞不漏觸隅之

鳥遽見無逃不能戮辱自明羈遲取効而乃背叛西土
蓄積南山刻傳旣曰詐欺踰關豈爲誣罔請寘周侯之
罰仍從漢相之科

同前

鄭自新

錫以忠貞庶諧輕典嗟乎漢吏眷彼寘成不見德音唯
聞刻薄乳虎之怒士卒所驚貪狼之名區宇攸震擅南
方之利益志在徇私叛西土之寵章心懷背國刻傳旣
稱虛假論辜深是乖違請寘金科方形玉律

越關判

越度關府欲科罪稱告急切不暇請公文

對

張欽敬

恭維我王設險以守是立關禁防諸來遊彼何人斯干
國之紀異驅傳之高節非買符之達人去必乘星學鷄
鳴而夜度行惟渴日談馬邑而朝迷此則匿姦於心詐
僞難恕縱急切以文過豈刑章之可逃速歸爾尤無惑
朝憲

同前

封珣

王者署

一作置
避諱

關是爲巨防所以察出入驗符繻故終

軍入秦棄之以擊節臧文相魯廢之而受嫌彼何人斯
輒此踰越稱急切之利往冀刑章而免科當今烽堠無
虞蠻貊請職荒徼不聞於擊柝私室寧容於度關請科
罔上之人用杜憑虛之說

同前

于孺卿

因固作關設險居國豈伊征美是隔夷夏踰則歸法理

惟其常越何人斯初聞有告棄繻抗志無似終軍之遊
辭謀遂行且殊遽瑗一作伯避諱之出彼則請給寧異公文
足可坐視更籌候鷄鳴而容度豈謂意陵霄漢學鳬飛
而影移行雖有由越侵無狀寘之於理其誰不然

謁者私度關判

汾陽縣竟戎幼學弱冠應舉西入關遂委過所至京不
應作對退從小選補謁者戎情思罷歸請過所專曹一司
以無來文不給

對

竟戎地接汾河業膺洙泗道標強學擅英妙於州

一作鄉

間年在弱冠慕明敷

一作經

於鄉國爾雲行地載馳千里

之路警露聞天爰振九皋之響遷亭記柱馬生之壯志

可追函谷棄繻終軍

一作子

之雄心尚在雖言高方朔而

調下孫弘便抑大成將從小選入仕有吏曹之耻出闕

無使者之榮名宦以調役生悲田園以歸來興嘆昔時

過所以委於中途今日行文須憑於下署無宜部傳不

可買符事在引通理難退抑

恩賜綾錦出關判

安息國莫賀遠來入朝頻蒙賜綾錦等還將自隨關司
以物皆違樣不放過

對

劉穆之

莫賀就日輸琛占風削袵旣踰葱嶺便集藁街頻承湛
露之恩幾荷油雲之施至若綾開翥鶴映睢浦以成文
錦縟翔駕艷江波而濯色近九重之厚錫充萬里之輕

齋關司以寄重咽喉任光襟帶物皆違樣既生非馬之
疑事乃出蕃須既鳴鷄之失既緣恩賜有異常途勘責
不虛固難留滯

宮門誤不下鍵判

安上門應閉主者誤不下鍵

對

呂令問

門閤洞開國都以赫禁鑰

一作銅下同

崇設王府則有茲率

厥典欽乃攸司重城建局安上題榜當天衢以南豁臨

帝庭而北峙上以發皇明之壯觀下乃備他盜之非常
瞻彼主司或殊善閑闔而不鑰已彰慢藏開而不鍵誰
測深意但人同於失雖有類於茅茹法貴在寬尚未方
於覓陸若謂一時有誤須稽錯失之由必當外戶不扃
寧累升中之化請捨小過無傷大猷幸未深於減耳庶
無勞於噬臍

同前

姚震

職司其居官以物辨苟失其道孰云其憂杲杲重城上

列雲霞之氣昭昭洞闔傍連紫翠之宮所以崇邃高深

隔闕中外所以伺

一作可非

執異服驚壘非良鐘鼓司時自

可密而善閉煙光滅景翻乃虛而不闕扁鍵空施隄防
靡寄且此之職守用備非常故而不嚴誰曰其誤宜致
繩愆之責以懲慢官之罰

同前

王維

設險守國金城九重迎賓遠方朱門四闕將以晝通阡
陌宵禁姦非眷彼閤人實司是職當使秦王宮裏不失

狐白之裘漢后殿中唯通赭馬之跡而乃不施金鍵空
下鐵闕將謂堯人可封固無狗盜之侶王者無外有輕
魚鑰之心過自慢生陷茲註誤而抱闕爲事空欲望於
侯嬴或犯門有人將何禦於臧紇固當無疑必寘嚴科

向街開門判

于門告張第向街開門第云祖父有勲蔭

對

王 謹

東海于門高容駟馬南陽張第榮珥七貂通德未孚薄

言斯露或以霞扉畫敞臨大道之青樓畫拱雲構接長
揚之綺陌有同樹塞不遠人境車馬之客相聞冠蓋之
賓坐合若也人惟白屋奢僭之辜何逭必其地是朱門
公侯之家始復有勲有蔭既未審於高卑應闔應開誠
可窮其新舊敬申三覆然定五刑

新作南門判

甲新南門或人糾不時訴稱以新易舊

對

楊成象

門戶攸設姦慝是禁以開以閉在昏在晨當啓塞之從
時實終始而合制若位崇列國名大諸侯因農隙而度
功既日至而斯畢且魯門所作丘明書以不時長府匪
仍宣聖議其有改蠹茲甲者興事不減雖善閉之典聿
脩而從時之宜或紊糾之則可稱易奚爲

道路

廬樹判

商子行飲食失節生疾抑云廬氏井樹不修

對

李融

先王作則以廣利制命以居人故官立井樹旅有施舍
相彼廬氏寔曰職司在故事之允修於從政乎何有旣
而日暮途遠商子載馳轅端莫向馬首靡託旣傷行旅
之感加之暴露之憂寒溫失時以干六物飲食不節是
生百病且國生納幣咎在晉卿江氏失布盜由楚相玉
毀於積罪有所在

同前

柳潤之

四人有業天下同歸理在營生方先潤屋貨賄山積是
往來於五都珍奇海輸乃森羅於九市睠言商子實職
貿遷一作貨襲弦高之風爲絳侯之事經途所亘多跋涉
之勞飲宿乖宜爽陰陽之候野廬所掌井樹是修何得
曠於主司致有損於行李遂使銀牀罷汲無郝子之投
錢碧樹摧榮聞茅生之危坐盍歸司敗以正刑書懲其
已犯之愆永息將來之弊

道路判

乙主路三十里置作館州按其違古制詞云險陸相半

對

趙良玉

國有郊鄙道有室廬是崇委積以待羈旅眷夫惟乙則
曰司存掌彼康衢順帝之則修其候館虧古之制公家
之事爲之式可舊章不率誰敢允從且十里有廬五十
里有館典經攸著龜玉是司徒以險陸爲詞其如專擅
之罪

徑踰判

乙有畝種田苦徑踰者訴廬氏不禁

對

國勸勤農戶分田畝三時克務九穀斯登乙有良疇頗

爲膏壤我疆我理式辨於溝塍是薦是蓂以嫫音蒿其茶

蓼觀黍稷之疑疑見麻麥之芄芄成庾億之詠冀貯

畝鍾之積推耕讓畔異閒田之莫爭越陌度阡夾野廬

而不禁乃徑踰而是苦實網漏而將踈蹊田奪牛昔聞

太甚議獄詰鼠合則持平宜稽廷尉之法用正野廬之

罪

科木作道判

當路多石所由科木作道科擅賦役

對

繕理通衢必遵時令蓋藏多暇農人務閒既刊木以爲
工亦隨方而適用於是取材深谷興役平人將肆力於
夷塗必希心於公道馳騫由其克濟行李於是知歸何
所虧違論其罪坐必情惟害物據法須峻刑名若功可

利人撫狀猶宜獎應縣爲斷結理未融平請更下推使其無訟

穿牆出水判

甲孟穿牆爲水竇流其惡於街衢坊人論告

對

甲孟池遙汾澮居此閭閻喧上陌之風塵亂中衢之車馬攸繁湫隘未適閒居仰甲第而多慙顧衡扉而自惡鄰光近接亦重於丘墳竇孔傍流忽染於泥滓遂使浮

雲之騎坐惜連乾道路之人行嗟揭厲流惡旣侵於五
府議刑還抵於三章牒送有司用懲其失

開溝向街判

丁開溝向街流惡水縣令責情杖六十訴違法旣有文
不合責情並仰依法正斷

對

惟丁門接通衢美非仁里異汾澮而流惡成閭閻之致
沿遂使軒車曉一作晚度將墜於曳輪銅墨風行有聞於

審令雖禮律之目彼此或殊小大之情得失斯在而法
有恒禁政貴移風故議事之刑則符令典妄情之訴期
於自息

染甕灑塵判

丙傾染甕惡街衢縣令咎丙云便灑軌塵於事無廢

對

孫欽望

閭閻撲地咽綺城之歌吹軒車沸曉度紫陌之煙埃攸
更湫隘或資灑掃丙也業在門居向惟街道傾茲染甕

殊漢陰之息機灑以香街異汾水之流惡黃圖作宰當
旌卧疾之奇玄覽滌除令察軌塵之穢將加箠令允符
鞭作灑淨之愆已聞揭厲無良之刺難漏刑名令既有
科自成美錦之製丙期無訟難雪素絲之泣

街內燒灰判

余月望日西市商人街內燒灰曝布署令梅登一作澄以
其犯禁決三十致死家人訴濫刑

對

令狐紹先

赤帝司節朱明肇位月

一作日

當旣望時屬正陽理通幽

化之急須長明生之氣商人狗利小子鬻賈同長房之
居產不得神仙類弦高之聚財寧宜犒士遂焚灰上路
曝布長衢旣觸陰科且犯陽禁躔次有累於干紀草木
不滋於殖豐梅澄所守薄有笞刑精氣爲物頽齡俄謝
論辜不知於內外定罪須憑於繩墨家人雖訴須審而

行

一作如何

造橋判

河陽欲造石梁以費廣請造舟計風烏驚海亦用鬻巨
萬州使相爭不定

對

孫崇古

河陽地即帝畿境惟天邑石李倫之別業吹樓雲斷潘
河陽之古縣春樹花開波石沿洄沓崑崙之水車馬聞
咽俟黿鼉之構虹梁鵲柱旣暫勞而永逸風烏海驚但
有損而無成爰叩兩端且多職競將申一部希効管窺
宜興鞭石之功無取接舟之議

縣令不修橋判

長安萬年縣坐去歲霖雨不修城內橋被推按訴云各有司存不伏科罪

對

天開紫極地列鎬京渭水即飲龍之津橫橋得牽牛之象而二縣稱劇兩城攸壯望雙闕而如雲對九途一作遠

而若厲頻年淫雨中遠泥濘石梁隳構鐵鑠不修馬惜連乾遲迴於欲渡人嗟揭厲歎息於無良旣愆十月之

期須明三典之坐然則據地雖從縣管修橋乃合監營
職司自可爲憂有詞無宜濫罰飭五材而入用選百工
以就程俾令蜿蟺如虹佇見闌干若斗請準此狀各牒
所由

同前

崔翹

顧兔離星商羊應雨浸厚地而沮洳灑長天而蕭索凝
雲不動履雙闕而朝躋行潦坐流匝四溟而夜下遂使
鵲橋牢落虹影歌傾石杠成而鐵鎖暗移舊枝壞而新

查亂墜兩城之內是曰帝居作漕自合修營赤縣元非
管屬輒被推按乃涉濫刑至於司存事資懲罰牒問由
緒方正科條

同前

趙和

中京帝宅上洛星橋宮城俯臨九重密邇康莊或斷一
切停留架海龜鼉誰看往迹填河烏鵲不見新營冠蓋
相喧遏紅塵而不度車徒競擁駐白日而移陰修構旣
在科須差遣誠歸正典事合屬於將作不可責以親人

訴者有詞請停推劾

私僱船渡人判

洛水中橋破絕往來渡縣令楊忠以爲時屬嚴寒未可
修造遂私僱船舫於津所渡人百姓杜威等連狀舉忠
將爲幹濟廉使以忠懦弱不舉職事以邀名欲科不伏

對

上洛飛湍中橋施構參差危柱若星影之全開斷絕浮
梁似虹光之半起望九衢之車馬未見川流瞻兩岸之

風煙更疑波委楊忠宣風帝輦作宰神州以修造之辰
當沍寒之節私僱船舶公然來往論惠雖是恤人語事
便非濟物且兩畢理道水涸成梁莫不率由舊章抑亦
編諸甲令故違憲法自寘刑科廉使以懦弱繩愆正符
厥理杜威以幹濟連狀未識其宜

同前

圭壘勝壤鼎邑名都八達開衢傍連鶴嶠九重危堞近
枕龜津鐵鎖長橋衣冠不絕金錢廣埒車馬相望楊忠

擢以茂材宰斯京縣屬虹梁落構翠湫驚波滯商賈於
平川阻駢駢於上路將以日躔南陸氣叶冬郊當此沍
寒難於修葺役徒未集且叶愛人船舫有私何乖高事
杜威蘊德載述風猷廉使繩違遽投霜翰究其所以盖
取義於隨時觀其所由亦何煩於褒貶

同前

李孝言

曲洛圭廛交風鼎邑途開九達城控八關積溜澄雲王
子吹笙之浦驚湍落日馮夷剖蚌之川衣冠之所往來

商賈於焉交集所以亘茲星柱架此虹橋疑海上之浮
龜似天津之飛鵲誠合因人啟塞隨事修營豈可使曲
直一作岸全崩危梁中絕驚波淼淼却停流水之車急浪
悠悠翻擁桃花之騎楊忠蒞斯劇縣輒樹私恩不遵十
月之規有損二周之化造舟之義自有公營浮航之機
詎宜私催道橋有關懦弱可知請依直指之科寘以曲
從之坐

同前

崔釋

三川朝市六合樞機冠蓋如雲擁金錢之馬埒軒車若
水赴鐵鎖之虹橋遐邇所資往來爲要不謂波湍溜激
柱朽梁摧捉烏鵲填河空餘處所驅黿鼉駕海尚有規
模自合修營豈宜停廢楊忠位光銅墨境控圭廛仙舸
橫流異林宗之共泛漁船逗浦非仲卿之來遊縱徇私
情恐乖公理雖當冬月況屬閒時造橋用功冀暫勞而
永逸渡船費力但有損而無成官橋自可官修何闕縣
長私船輒爲私僱便累宰君郡人褒揚將何稱首廉察

附請即可甘心以狀告知庶無喧訴

不修橋判

得丁爲刺史見冬涉水者哀之下車以濟之觀察使責其不順時修橋以徼小惠丁云恤下

對

津橋不修何以爲政車服有命安可假人丁職是榮

集作


崇班體非威重輕漢臣之寵失位於高車狗鄭相之名

濟人於大水志雖恤下道未

集作昧

叶中與其熊軾涉川

小惠未遍曷若虹橋通路大道甚夷啟塞旣闕於日修
揭厲徒哀其冬涉事闕失政情近沾名宜科十月不成
庶辨二天無政



文苑英華卷五百四十五

欽定四庫全書

集部

文苑英華卷五百四十六

七

詳校官給事中_臣李臺

助教_臣常循覆勘

總校官進士_臣朱鈐

校對官中書_臣胡紹基

謄錄監生_臣劉文耀

欽定四庫全書

文苑英華卷五百四十六

宋 李昉等 編

錢帛王壁果門二十三道

錢帛

唐錢判一道

無名錢判一道

拾遺錢判一道

鑄錢數倍判一道

鍾官所鑄判一道

母子權判一道

織素判一道

練不宿井判一道

黃潤判一道

玉銅壁玉節

龍輔判一道

開銅坑判一道

壁判一道

玉節判一道

穀珪判一道

木樹草瓜果

採木判一道

楠奴判一道

平慮判一道

竹判一道

盜瓜判一道

芋判一道

柶子判一道

梨橘判一道

盜稻橘判一道

錢帛

磨錢判

甲磨錢質而取銖乙告之訴不更鑄

對

緡鋸爰設銷鑄是司九府匠之以圓方三官因之以文

質雖五銖異制半兩分形龍馬之造化不窮權衡之輕重有數寔惟泉貨校在水衡人之無良公爲不道微漢臣之賜蜀銘範成姦非魏帝之夢陳錯磨抵禁立辟自貽於錢府舉法須密於金科欲無王衍之害曷云非隱將刻劉陶之議刑其捨諸且取銘不定其少多致獄孰究其高下欲加之罪其無詞乎待窮楊可之告緡方許

一作訊

五倫之督鑄

無名錢判

東門韜訴主司負物吏詰之韜云祖有無名錢

對

易象定位尊卑之禮聿修人倫有序貴賤之容斯立布
諸方策聲塵藹然至若爵列子男恩垂帶礪有謀謁帝
方承萬戶之榮無種封侯亦受千金之賜陸子囊中之
寶已惠私門張氏無名之錢且留公庫東門韜家聲不
墜祖德彌光想昔日之恩輝恃曩時之寵寄負玄絕海
搶榆知其不逮剡舟剡楫魂木媿其無施仰堂構而未

微思必復而何已薄言公府方論赤仄之資爰詣主司
更訴青鳧之鏹亦冀雲油露湛先人承元始之恩自葉
流根後胤奉永平之賜迹有符於故事理無紊於今時
既於古而無虧豈在今而可抑謂宜從允以叶彝章

拾遺錢判

乙拾遺錢於路縣科罪訴云家約俛有拾仰有取不敢失
業

對

失得者在乎幾悔吝者生乎動苟或昧之其何以行乙
乃妄人不慎厥德既俛拾而仰取亦虛往而實歸路有
遺錢且效漢臣之鄙室而藏鎰庶同猗氏之富在國經
而斯濫寧家約之可遵且揭而書之縣未徵於古制貪
以敗類乙見誚於詩人貽厥孫謀無聞以燕之訓恒有
子禍將貽自掇之刑請糾其違用懲于悔

鑄錢數倍判

江東諸監鑄錢數倍費使牒令停監司云恐棄山澤之

利而工匠私鑄犯法

對

貨以通商財以利俗國法施於九府鑄作行於四方輕重隨時子母由其遞用積流有象泉布所以得名國家立制經邦稽古爲理用天分地成其阜安之業聖作物覩有其通變之勞使乎伊何曾不是識專命非據亂常有誅人焉廋哉斯害也已請被刑鼎無擾監司

鍾官所鑄判

庚爲鍾官所鑄不充歲計工部按其罪訴稱鉛錫未足

對

辨方制位聿彰治國之典立教富人必先因地之利設

家

疑作泉

府列鍾官將欲布金刀之饒盡銅山之積庚以

伎能從職鎔鑄爲勞獸炭炎壚非煙上出

一作獸炭炎壚上出

鳧工動扇驟吹傍飛無名歸張氏之封因寵入鄧通之

室自合預圖歲計先備年支不見請於文符空有辭於

鉛錫撫周書而太息有愧川流披漢史而長懷無聞岳

峙仙臺按罪寔爲通規主局致詞憑何逃責

母子權判

順成方請爲母子權渝其好肉所司下科違法

對

調以玉燭天運和於四時用以金幣寶貨叶於三品是
以榆花落影荇葉分形有母子之相權見大小之爲利
歲用不足將救眚灾秋其以登孰爲鎔鑄卷茲方郡年
在順成稱彼兕觥則叶飲蒸之義在其龜貝未詳豐有

之期家蓄三年自流行於紅粟園資九府實抵冒於丹
毫守以規模猶違正典渝其好肉彌阻大同知無不爲
何見妄從申請罪人斯得誠宜寘以科條

織素判

樊貴使妻織素先示其式而告之曰必如此妻織遂善
於式乃出妻兄訴州特一作將判合仍答貴六十因損一
脚履地不得貴不伏訴臺

對

龜浪披圖地演金夫之卦鵲橋構象天垂織女之星故
能陰陽克諧琴瑟斯和其道且合莊敬表於齊眉其情
或乖忿怨形於反目樊貴飛鳴聖代飲啄昌期預詳結
媛之談早契伐柯之義皇皇受業初未見於拾青軋軋
弄機遽有聞於裂素蜘蛛網戶朝續斷絲蟋蟀鳴階夜
催殘織光明似雪未慙董永之妻皎潔如霜翻學王陽
之婦兄莫能忍是歸妹之無家女既不良何立身之有
地閨門險詖醜行已彰州將科繩罪人斯得有虧於禮

善是責之難逃不足與行何藉跋而能履以郭賀爲州
牧用刑而尚寬旣不疑爲臺郎所訴之何益

練不宿井判

丁爲水練不宿井七日夜所司科罪訴云晝暴

對

維彼組練濟斯軍國或易象賁其~~戔戔~~或詩人歌其皎
皎理宜夜懸諸井晝暴於陽何得不務吳門之光坐乖
魏闕之理所司詰罪雅叶彛章丁則薄言何其厚貌請

依司敗以肅爰書

黃潤判

黃潤細布也揚子雲蜀都賦曰筒中黃潤

乙借甲黃潤示幽閨因被鼠齧甲索比筒乙以當土無

請酬價甲不伏

集作訴

對

財以工化物以商通既名奇而可稱於一作亦寶異而爲

玩或有韜筒比細光越象簞況

一作沉

藻侔華色逾龍輔

貨且難得稱珍於外土寵無不利取悅於中閨皎皎當

窻已生紅粉之艷卿卿在室復觀黃潤之奇上客驚燒
殊裴楷之未識相鼠斯齧惡蒼舒之啓智緘鐫不固誠
毀擯而亡龜詭異難求豈登山而採蚌依酬元價無徵
本物旣非吾土所育請絕詩人薄言

玉銅壁玉節

龍輔判

張魯私家畜龍輔不獻

對

萬寓宅心四人名業不寶遠物載沐玄風南榮之暄猶
思上獻東流之水必願朝宗所貴者忠誠孰非臣子所
畜者珍物仍在私家况龍輔稱奇鳥篆攸載潛匿不送
彰聞有司雖馬駕鼓車天心廣被而人迷日用物議猶
多律有明文刑故無捨

開銅坑判

蔚州申管內銅坑先禁採昨爲檀州警發遣兵州庫無
物可裝束刺史判令開銅坑以市物給兵幕一作幕不闕

軍機庶察使科違勅

對

星帶燕郊雲迷代郡地稱即山之利人擅燒銅之業有
勅頒行無令採鑄頃以遼兵候月或渡盧龍之水漢守
宣風載撫飛狐之塞救兵屢發帑藏云空方興計日之
師遂有隨時之義取銅以給在勅誠違一作誠在違科應機而
行於事有一作可恕馮諷市義在昔未以爲非汲黯開倉
於今不言其失斷從違勅理或可矜

壁判

壁肉倍好太常以爲度失將薦不可

對

太璞不雕國寶爲貴許田斯假諱朝宿之邑秦城可易
獻章華之臺況祀地郊天或充禮物來朝入聘以表威
儀然則聖人制禮特崇於饗薦王者之孝莫先於崇稷
而三后在天聖靈浸遠四方成歲祭典聿修有事廟庭
載陳珪壁太常所主大禮攸存凡厥薦陳須明制度惟

此壁禮不虧玉書色倖截肪肉倍於好同楚人之鄙識
妄有疵瑕當魯禮之明祠而致違闕曠其所職不得無
辜

玉節判

癸盜玉節於諸其家科盜罪不伏

對

符璽出入惟帝之命節傳迂送

一作官
節傳迂

有國之恒寶山

圖獸知林木之多虞澤國用龍取江海

一作湖

之安祲飾

王之節惟人所持萬里無塵寢於廟堂之上四郊多壘
行於軍陣之間癸何人斯不率而盜子卿漢朝之勇將
權一作擁節不移無忌魏國之名臣竊符加罪彼已之子
曾不是思數之萑蒲尚聞攻伐邦之旌節安可穿窬請
歸義於鈞金庶無譁於束矢

穀珪判

甲受穀珪之節爲使而易行除慝專以和難爲務法司
効之不伏

對

六節崇儀制參龍虎五瑞分命列自公侯備以寵章異
其文質嚴國朝而式序戒原隰而斯皇莫不尚以珪璧
爲之制度氣中浮曜本自生虹山下沉暉由來抵鵲擬
秦城而韞櫝邁燕石以推珍璞琢言敷采就無僭起以
軍旅恤其凶荒易行除慝之規結好和難之義咸崇馭
下克著彛倫將忝厥司寔資謀政甲縉紳高踐符節光
臨旣載馳而飲冰豈四方之辱命蒲壁云始早逾列於

子男穀珪致榮遂專城於方岳克謹天戒肅將明威居不失中思非出位寧遑啓處務協仇讐得晉侯之平戎有宣公之靜莒奚爲不可而欲論刑易行本在剡珪此謬請分陶壁

木樹草瓜果

採木判

終南山下人每至冬中於山北採木縣以斬

一作伐非

時皆欲禁斷人云山南險遠終

一作皆

不可行

對

節彼南山森乎灌木百工爰度庶人斯採厲禁攸施妄
掄材而必制操斧以進何斬伐之乖宜斬陽蓋一作即取
乎陰時代陰須在乎陽月古訓則爾今令惟宜若斷彼
良輶剡乎服耜考工有典諒亦難違儻算路載馳折薪
負荷藍縷是阻巖險何階隨時之宜蓋取諸此

橘奴判

甲有橘奴不書於版圖大比被糾訴稱田賦不闕

對

江皋芊眠盧橘是植珠樹金實含芬吐芳班史埒富於
封君李衡取方於僮僕詳窺夏策珍味猶錯於苞貢式
遵周禮物生必載於版圖何厚產之闕書而薄言於田
賦寘於徽纆誠爲得宜

平慮判

僧稱院有一株平慮依驗乃是忘憂

對

王城福田禪宇清界忍草駢植天花亂開裛香雨而增
紅澹祥煙而泛綠微其種類已脩神農之書覽彼芳菲
取惑愚僧之目狀稱平慮驗乃忘憂初欲薦其祺祥終
用彰於紕繆只可樹之於背翫彼芳香何乃言之於公
取尤眩惑足以發周客之笑生燕人之慙未全害於政
經不可罹於刑典

竹判

衛州申奉勅和市竹州送王蜀司法科罪不伏並仰處

分

對

王者立制諸侯附庸海內之化可弘任土之宜克著軍
國既有彝準州縣非無舊式眷茲鄘衛築新臺於浼浼
帶以淇澳挺綠竹之猗猗雖禹貢分圻尚乎納秸一作納

而唐年作賦送彼王芻旣失奉於芝泥自投刑於棘署
司法科罪正叶其宜輒爲詞訴殊是踈僻且虧效職之
方須速謗官之罪

盜瓜判

常州申稱錢客每以種瓜爲業遂被伶人洪崖盜食其瓜並盡爲客所擒遂作術化出滿田是瓜客乃放之崖去後了復無瓜客詣縣告崖是妖賊

對

錢客家隣白社業在青門米實蔥花光浮五色藍皮密理美至三搖長懷洗玉之珍方有致金之望洪崖行乖夔足道契狼心不能李徑遺冠醜乃瓜田躡履狗一作狗

茲猿臂因採掇而全空眷彼龍蹄隨指揮而忽見寧勞
宋灌自含冰谷之文不假曾鋤俄結火山之實錢既迷
於術化洪乃集彼回邪於是釋此妖人將殊盜者初觀
帶母似逐仙來後察空苗疑因夢失幻人爲幻幻已去
而無爪迷者知迷迷既祛而有悞論妖疑切誨盜情深
雖陳莠口之詞莫辨訛言之實洪崖不在丹筆何施客
告未曉真虛崖實未知州縣更宜尋問方可裁量

芋判

甲以蹲鴟自業丁告其情農

對

我疆我理蓋取其宜採葑採菲止存其善甲以鑿井而
飲耕田而食藝彼芋區安厥蓬戶不知堯舜之力聿求
天地之利有斯而享同計然於范子無悶乃可均沃壤
於岷山鄙哉彼丁好訐爲直昧長沮之自樂訝夫子之
不勤告以情農未聞其可或恐人慙相鼠務彼蹲鴟匪
夫析薪頗黯綱紀則片言難折審慎攸宜請俟三緘方

申一剖

梀子判

栢會

一作禽下同

南隣有梀樹垂枝於家侍兒取以噉會會

送官仰正斷

對

栢會操深介直期在公清用理於家可移於國東家之
棗昔聞去婦之悲南隣之梀今見侍兒之執論其嫉惡
雖曰至公究其飾情終爲小行所盜不言多少量情應

有重輕請更詳求方可裁斷

梨橘判

鄭州劉元禮載梨向蘇州蘇人弘執信載橘來鄭州行至徐城水流急兩船相衝俱破梨及橘並流梨散接得半橘薄盛總不失元禮索陪執信不伏

對

滎澤名區長洲沃壤土宜雖異川路攸通故使賈客相趨乘時射利商人逋委從有之無大谷玄光言移汴北

江陵朱實欲度淮南於是鼓帆侵星俱辭故國扣舷忘
夕並屆徐城兩鷁爭飛雙鳧不背異虛舟而見觸均斷
艦之相逢遂使橈逐蘭摧疑建平之柿下棹隨桂折若
河上之查來落果於焉星散榜人由其驚沒一游一泳
橘包裹而全收載沉載浮梨漂零而半失然防慮之術
未聞責已而侵溺之弊直欲尤人乍尋似合酬填審細
便難允許何者梨因散失船則共傷若爲梨覓陪過自
歸於毀櫓如損船索償理乃齊於指馬旣非情故徒事

披陳

盜稻橘判

會稽楊真種稻二十畝縣人張辨盜將令訪知收辨科
罪訴楊真盜辨木奴復合科罪

對

汙泉芳稻風傳十里之香江陵木奴地均千戶之封青
花競吐色亂煙波朱實方成影分霞錦楊真張辨植業
營生楚既失之齊亦未得且覆車改轍前代之通宜牽

牛蹊田往賢之深誠豈有一彼一此俱行盜竊之心以
公以私深失是非之路鍾離牧之推讓曾不留心淳于
恭之助收豈知勵俗論犯雖知先後語罪諒乃同歸請
勘兩家之贓方定片言之獄

文苑英華卷五百四十六